

DAVLAT VA HUQUQ TUSHUNCHALARI ULARDA AMALGA OSHIRILAYOTGAN TA'LIMDAGI AMALIY ISHLAR

Qarshiyev Mirjalol Hasan o‘g’li

Navoiy viloyati Uchquduq tuman kasb-hunar maktabi

Davlat va huquq asoslari fani o‘qituvchisi

ANNOTATSIYA

Davlat boshqaruvining ma’muriy huquqiy shakllariga oid normalar, tamoyillar, manbalar va mazkur mavzuning eng muhim sohalari bilan tanishtirish, talabalarda o‘z kasbi bo‘yicha nazariy va amaliy bilimlarni shakllantirish muhim o‘rin tutadi. Mazkur mavzu orqali talabalarga davlat boshqaruvining ma’muriy-huquqiy shakllari mavzusini o‘qitishning nazariy va amaliy jihatlariga oid fundamental bilimlar, jumladan, boshqaruvning ma’muriy-huquqiy shakllar va turlari tushunchalari va o‘ziga xos xususiyatlari, huquqiy (normativ va individual) aktlarining nazariy huquqiy tavfsifi tahlil etilgan. Bunda ijtimoiy boshqaruvning asosiy turlaridan biri davlat boshqaruvidir, u davlat organlari va ularning mansabdar shaxslari tomonidan amalga oshirilishi, davlat boshqaruv organlari faoliyatining mazmuni istiqbolni belgilash, rejalashtirish, moliyaviy ta’minalash, kadrlarni tanlash va joy-joyiga qo‘yish, hisobga olish va nazorat qilishdan iborat ekanligihamda. Davlat boshqaruvining keng tarqalgan vazifalaridan biri bo‘lib, barcha davlat organlari ularni o‘z faoliyati davomida qo‘llash tartiblari haqida ma’lumotlar berilgan. Davlat boshqaruvi tizimini rivojlantirish, davlat apparatining ishini yaxshilash, boshqaruv faoliyatining samaradorligini oshirishga qaratilgan tadbirlarning deyarli barchasi ma’muriy huquq normalari yordamida amalga oshirilishi, ma’muriy huquq davlat boshqaruvi sohasidagi ijtimoiy munosabatlarni, ya’ni davlat organlarining ijro etish va farmoyish berish faoliyati jarayonida yuzaga keladigan ijtimoiy munosabatlarni tartibga solinishi haqida ma’lumotlar keltirilgan.

Kalit so‘zlar: *Davlat boshqaruvi, ma’muriy huquqiy shakllar, ijro hokimiyyati organlari, huquqiy shakllar, nohuquqiy shakllar, huquq normasini o‘rnatish, huquqni qollash, huquqiy (normativ va individual) aktlarni qabul qilish, ma’muriy huquqiy shartnomalarni tuzish, yuridik ahamiyatli boshqa harakatlarni amalga oshirish, normativ aktlar, individual aktlar.*

KIRISH

Har qanday faoliyat singari davlat boshqaruvni faoliyati ham ma’lum bir shakllarda ifodalanadi. Bu jarayonda ijro hokimiyyati organlarining (boshqaruv faoliyati asosiy subyektining) vazifalari, funksiyalari va vakolatlari amalga oshirilganligi sababli, birinchi navbatda, mazkur hokimiyyat subyektlari faoliyati shakllarining muammosi

vujudga keladi. Ushbu faoliyatning shakllarini aniqlash orqali davlat-boshqaruv faoliyatining mazmunini chuqurroq anglash mumkin.

Ushbu faoliyatning shakllarini aniqlash orqali davlat-boshqaruv faoliyatining mazmunini chuqurroq anglash mumkin. Boshqaruvning shakli aniq subyektlar tomoni dan amalga oshiriladigan ma'lum bir harakatlarda ifodalanib, boshqaruv faoliyati ning, boshqaruv ta'sirining mazmunini yoritib beradi.

Boshqaruvning shakli – aniq subyektlar tomonidan amalga oshiriladigan ma'lum bir harakatlarda ifodalanib, boshqaruv faoliyatining, boshqaruv ta'sirining mazmunini yoritib beradi. Boshqaruv shakllari huquqiy mazmunga ega, ya'ni normativ huquqiy akt orqali o'rnatiladi. Ba'zi hollarda boshqaruv shakllari normativ o'rnatilmagan bo'lishi ham mumkin va bularni boshqaruvning huquqiy shakllari jumlasiga kiritish mumkin emas.

Boshqaruvning huquqiy shakllar, o'z navbatida, ikkiga bo'linadi.

Bular:

- huquq normasini o'rnatish;
- huquqni qo'llash.

ADABIYOTLAR TAHLILI VA TADQIQOT METODIKASI

Huquq normasini o'rnatish-ommaviy boshqaruvorganlarga qonunlar bilan belgilab berilgan vakolatlarini, huquqva majburiyatlarni amalga oshirish mexanizmlarni aniqlashtirishga qaratilganijro hokimiyati organlarning norma ijodkorligi faoliyatidagi harakatlaridir.

Huquqni qollash-ommaviy boshqaruv organlarivular mansabdor shaxslarining qonunlar bilan belgilab berilgan vakolatlarini huquqva majburiyatlarni amalga oshirish mexanizmlarining ijrohokimiyati organlari tomonidan huquq normasi o'rnatilganidan keyin uni qo'llash. Davlat boshqaruvi faoliyatining tashqi ko'rinishlari turli xil bo'lganligi sababli uni har xil asoslarga ko'ra tasniflash mumkin.

Boshqaruv faoliyatining (boshqaruv harakatlarining) asosiy ikki shaklini ko'rsatib o'tish mumkin:

1) boshqaruv faoliyatining (boshqaruv harakatlarining) huquqiy shakllari, ya'ni ma'lum bir yuridik mazmunga ega bo'lgan va yuridik oqibatlarni keltirib chiqaradigan shakllar. Mazkur shakllar boshqaruv organlari faoliyatining asosiy hakllari bo'lib, davlat vazifa va funksiyalarini maqsadga muvofiq va samarali amalga oshirilishini ta'minlaydi.

2) boshqaruv faoliyatining (boshqaruv harakatlarining) nohuquqiy shakllari, ya'ni boshqaruvning huquqiy shakllariga asoslanuvchi va ularning amalga oshirilishiga xizmat qiluvchi shakllar bo'lib, tashkiliy va moddiy-texnik tadbirlar orqali namoyon bo'ladi.

Huquqiy shakllar o'z navbatida bir necha turlarga bo'linadi:

- huquqiy (normativ va individual) aktlarni qabul qilish;

- ma'muriy huquqiy shartnomalarni tuzish;
- yuridik ahamiyatli boshqa harakatlarni amalga oshirish;

Boshqaruvning huquqiy aktlari ommaviy boshqaruv oldida turgan maqsad va vazifalarga erishish uchun boshqaruv harakatlarini amalga oshirishning muhim huquqiy shakli sifatida namoyon bo'ldi.

Huquqiy (normativ va individual) aktlar haqidagi ma'lumotlarni keyingi paragrafda ko'rib chiqamiz. Boshqaruv faoliyatini (harakatlarini) amalga oshirishning huquqiy shakllaridan biri bu ma'muriy-huquqiy shartnomalarni tuzish hisoblanadi. Ommaviy huquqda huquqiy tartibga solishning alohida usuli hisoblangan shartnomalardan ham foydalanadi.

Ommaviy huquqiy sohada sharnomalar ommaviy manfaatlarni qanoatlantirish maqsadida boshqaruv funksiyalarini (masalan, muvofiflashtirish, bo'yсинув, tashkil etish, taqsimlash). Ma'muriy-huquqiy sharnomalar jarayoni boshqaruvning ma'lum bir ko'rinishi sifa tida ma'muriy jarayontuzilishiga kiradi. Ma'muriy-huquqiy sharnomalar jarayoni nazariy jihatdan subyektlariga ko'ra ikkigurunga bo'linadi. Bular: -yuridik shaxslar bilan tuziladiga ma'muriy-huquqiy shartnomalar; -jismoniy shaxslar bilan tuziladiga ma'muriy-huquqiy shartnomalar. Muddatiga ko'ra: -ma'lum muddatga ko'ra tuziladiganma'muriy-huquqiy shartnomalar; -noma'lum muddatga tuziladigan ma'muriy-huquqiy shartnomalar. Ma'muriy-huquqiy shartnomalar: - ommaviy shartnomalarning bir turi bo'lib, o'ziga xos xususiyatlarga ega bo'ldi; - ma'muriy-huquqiy shartnomada uning doimiy ishtirokchisi hisoblangan hamda hokimiyat vakolatiga ega bo'lgan davlat organlari va tartibga solish funksiyasiga ega bo'lman turli subyektlar (masalan, nodavlat korxona va tashkilotlar, fuqarolar) ishtirok etadi. Ma'muriy-huquqiy shartnomalarni tuzishning assosiy talablari sifatida quyidagilar nazarda tutiladi: a) jamiyat va davlat (ommaviy) manfaatlarini qondirish; b) ma'lum bir boshqaruv vazifalari va funksiyalarni amalga oshirishning ma'muriy tartibini o'rnatish; v) boshqaruv organlari tomonidan nazoratning amalga oshirilishi; g) majburiyatlarni o'z zimmasiga olgan ikkinchi tomonning o'z majburiyatlarini bajarmagan yoki lozim darajada bajarmaganida, davlat organi (mansabdar shaxs)ning shartnomani bir tomonlama tartibda bekor qilish imkoniyatiga ega bo'lishi.

MUHOKAMA VA NATIJALAR

Davlat organlari (mansabdar shaxslar) boshqaruv faoliyatini amalga oshirish vaqtida amaldagi qonun hujjatlari bilan belgilab berilgan boshqa yuridik ahamiyatli qarakatlarni ham sodir etishlar mumkin. Jumladan, bunday harakatlarga fuqarolarning murojaatlarini ko'rib chiqish kiradi.

Murojaatlarning ko'rib chiqilishi vaqtida davlat organlarining, jamoat birlashmalarining, korxonalar, muassasalar va tashkilotlarning xodimlari tomonidan fuqarolarning o'z roziligesiz ularning shaxsiy hayotiga doir ma'lumotlarning yoki davlat siri yoxud qonun muhofazasidagi boshqa sir hisoblangan ma'lumot larning,

fuqarolarning huquqlari va qonuniy manfaatlariga putur etkazadigan o‘zga axborotlarning oshkoretilishiga yo‘l qo‘yilmaydi. Shuningdek, murojaatga daxldor bo‘lmagan, fuqaroning shaxsi to‘g‘risidagi ma’lumotlarni surishtirib bilishga ham yo‘l qo‘yilmaydi. Fuqaroning iltimosiga binoan uning shaxsiga doir har qanday ma’lumot oshkor etilmasligi kerak.

Davlat boshqaruv organlarining boshqaruv jarayonida amalga oshiradigan ikkinchi yuridik ahamiyatli harakatlari - bu notarialharakatlarni amalga oshirishdir.

Demak, yuqoridagilarga asoslangan holda aytishimiz mumkinki, davlat organlari (mansabdor shaxslar) nafaqat boshqaruv aktlarini qabul qilish yoki ma’muriy-huquqiy shartnomalarni tuzish, balki boshqa yuridik ahamiyatli harakatlarni sodir etish orqali amalga oshiradi. Boshqaruv faoliyatini nohuquqiy shakllari hokimiyati organlarining davlathokimiyyat vakolatlarini amalgaoshirish bilan bog‘liq emas.

Bunday shakllarni qo‘llash yuridikoqibatlarni keltirib chiqarmaydi, ma’muriy-huquqiy munosabatlarni vujudga keltirmaydi yoki ularni o‘zgartirmaydi. Shu sababli bu shakllar “nohuquqiy” deb ataladi. Nohuquqiy shakl huquqqa xilof (qonunga) shakl emas, balki biron-bir huquqiy oqibatni keltirib chiqarmaydi. Ular huquqiy shakllarning amalga oshirilishiga xizmat qiladi. Boshqaruv faoliyati (harakatlari)ning nohuquqiy shakllari misollar bilan:

1) tashkiliy harakatlar yoki tadbirlarni amalga oshirish (masalan, majlislar o‘tkazish, ilg‘or va namunali tajribani, boshqaruvning salbiy holatlari to‘g‘risidagi ma’lumotlarni tarqatish); uslubiy ko‘rsatmalarni tayyorlash; joylarda ijrochilarga ko‘maklashish va boshqalardan iborat. Tashkiliy harakatlar yoki tadbirlar boshqaruv faoliyati jarayonida qo‘llanilib, huquqiy munosabatlarni vujudga keltirmaydi, o‘zgartirmaydi yoki bekor qilmaydi. Ular boshqaruv funksiyalarini amalga oshirmaydi.

2) moddiy-texnik harakatlar, ya’ni masalan, davlat-xizmat faoliyati samaradorligini ta’minlashga qaratilgan va ish yuritish, ro‘yxatga olish, rasmiylashtirish, hujjatlar, ma’lumotlar, materiallarni ko‘paytirish va yuborish, axborotlar bilan ishslash, analistik hisobni yuritish, moddiy-texnik ta’minlash bilan bog‘liq bo‘lgan boshqaruv faoliyatining shakllari.

XULOSA

Ommaviy huquqiy boshqaruv organlari faoliyatida boshqaruvning ma’muriy mamuriy-huquqiy shartnoma shakli O‘zbekiston huquq tizimi uchun yangi shakl bo‘lib, bugungi kunda amaliyotda kamuchraydigan va yetarli darajada ilmiy tadbiq etilmagan qismidir. O‘zbekiston Respublikasijrohokimiyati organlari tizimida ham ma’muriy huquqiy shartnomalardan goydalangan holdagiboshqaruv shakli mavjudligini faqatular yetarli darajada ilmiy tadbiq etilmaganligini kuzatish mumkin.

Boshqaruv faoliyatining bu shaklini amalga oshirish nafaqat xodimlarning yuqori tayyorgarlikka ega bo'lishiga, balki davlat boshqaruvi organlarining ma'lum bir texnika bilan jihozlanganligiga ham bog'liqdir.

Chunki, bu faoliyatga boshqaruv aktlarini qabul qiluvchi va amalga oshiruvchi boshqaruvchilar (davlat xizmatchilari va mansabdar shaxslar), shuningdek, fuqarolar hamda moliyaviy, tashkiliy va moddiy resurslar jalb qilingan.

FOYDALANILGAN ADABIYOTLAR:

1. O'zbekiston Respublikasining Konstitutsiyasi. – // Qonun hujjatlari ma'lumotlari milliy bazasi – <https://lex.uz/docs/35869>.
2. O'zbekiston Respublikasining "Normativ-huquqiy hujjatlar to'g'risida"gi Qonuni// O'zbekiston Respublikasi Oliy Majlisining Axborotnomasi. 20.04.2021 yildagi O'RQ-682-son
3. O'zbekiston Respublikasining "O'zbekiston Respublikasi Oliy Majlisining Senati to'g'risida"gi 432-II-son Konstitutsiyaviy qonuni // 12.12.2002 y. // O'zbekiston Respublikasi Oliy Majlis Axborotnomasi 2002 y. 12-son, 213-modda
4. O'zbekiston Respublikasining "Mahalliy davlat hokimiyati to'g'risida"gi 913-XII-son Qonuni // 02.09.1993 y. // O'zbekiston Respublikasi Oliy Kengashining Axborotnomasi, 1993 y., 9-son